


# 素問



漢書門			
一	二	三	九
九	七	七	三
冊	架	函	號

內閣文庫			
三	九	七	二
九	七	七	一
架	冊	號	類

內閣文庫			
番號	漢	11973	
冊數	9 ( 9 )		
函號	300	169	

九





通氣  
三十八

本病論七十三

黃帝內經素問卷之九

黃帝問曰天元九室余已知之願聞氣交何名  
 失守岐伯曰謂其上下升降遷正退位各有經  
 論上下各有不前故名失守也是故氣交失易  
 位氣交延變變易非常即四時失序萬化不安  
 變民病也帝曰升降不前願聞其故氣交有變  
 何以明知岐伯曰昭乎問哉明乎道矣氣交有  
 變是謂天地機但欲降而不得降者地室刑之



又有五運太過而先天而至者。即交不前。但欲升而不得其升。中運抑之。但欲降而不得其降。中運抑之。於是。有升之不前。降之不下者。有降之不下。升而至天者。有升降俱不前。作如此之分別。即氣交之變。變之有異常。各各不同。災有微甚者也。帝曰。願聞氣交遇會。勝抑之由。變成民病。輕重何如。岐伯曰。勝相會。抑伏使然。○是故辰戌之歲。木氣升之。主逢天柱。勝而不前。又遇

庚戌金運。先天中運。勝之。忽然不前。木運升天。金運抑之。升而不前。即清生風少。肅殺於春。露霜復降。草木乃萎。民病溫疫。蚤發咽嗑。迺乾四肢滿。肢節皆痛。久而化鬱。即大風摧拉。折墮鳴紊。民病卒中。偏痺手足不仁。○是故己亥之歲。君火升天。主窒天蓬。勝之不前。又厥陰未遷。正則少陰未得升天。水運以至其中者。君火欲升而中水運抑之。升而不前。即清寒復作。冷生且



暮民病伏陽而内生煩熱心神驚悸寒熱間作  
日久成鬱即暴熱迺至赤風腫翳化疫温癘暖  
作赤氣瘴而化火疫皆煩而躁渴渴甚治之以  
泄之可止○是故子午之歲大陰升天主室天  
衝勝之不前又或遇壬子木運先天而至者中  
木運抑之也升天不前即風埃四起時舉埃昏  
雨濕不化民病風厥涎潮偏痺不隨脹滿久而  
伏鬱即黃埃化疫也民病天亡臉肢府黃疽滿

閉濕令弗布雨化迺微○是故丑未之年少陽  
升天主室天逢勝之不前又或遇太陰未遷正  
者即少陽未升天也水運以至者升天不前即  
寒霧反布凜冽如冬水復涸冰再結暄暖乍作  
冷復布之寒暄不時民病伏陽在內煩熱生中  
心神驚駭寒熱間爭以久成鬱即暴熱迺生赤  
風氣腫翳化成鬱癘迺化作伏熱內煩痺而生  
厥甚則血溢○是故寅申之年陽明升天主室



天英勝之不前。又或遇戊申戊寅火運先天而至。金欲升天，火運抑之，升之不前，即時雨不降。西風數舉，鹹鹵燥生，民病上熱喘嗽，血溢。久而化鬱，即白埃翳霧，清生殺氣，民病脇滿悲傷。寒熱噓嗝，乾手拆，皮膚燥。○是故卯酉之年，太陽升天，壬子天芮勝之不前，又遇陽明未遷正者，即太陽未升天也。土運以至，水欲升天，土運抑之，升之不前，即濕而熱蒸寒生，兩間民病注下。

食不及化，久而成鬱。冷來客熱，冰雹卒至，民病厥逆而噦，熱生於內，氣痺於外，足脛痠疼，反生心悸，懊熱暴煩，而復厥。○黃帝曰：升之不前，余已盡知其旨，願聞降之不下，可得明乎？岐伯曰：悉乎哉！問是之謂天地微音，可以盡陳斯道。所謂升已必降也。至天三年，次歲必降，降而入地，始為左間也。如此升降往來，命之六紀者矣。○是故丑未之歲，厥陰降地，壬子地晶勝而不前。



又或遇少陰未退位即厥陰未降下。金運以至。中。金運承之。降之不下。抑之變鬱。木欲降下。金承之。降而不下。蒼埃遠見。白氣承之。風舉埃昏。清躁行。殺霜露復下。肅殺布。令久而不降。抑之化鬱。即作風躁。相伏暄而反。清草木萌動。殺霜乃下。蟄蟲未見。懼清傷藏。○是故寅申之歲。少陰降。地主窒地。玄勝之不入。又或遇丙申丙寅。水運太過。先天而至。君火欲降。水運承之。降而

不下。即彤雲纒見。黑氣反生。暄暖如舒。寒常布。雪凜冽復作。天雲慘悽。久而不降。伏之化鬱。寒勝復熱。赤風化疫。民病面赤。心煩頭痛。目眩也。赤氣彰而溫病欲作也。○是故卯酉之歲。太陰降。地主窒地。蒼勝之不入。又或少陽未退位者。即太陰未得降也。或木運以至。木運承之。降而不下。即黃雲見。而青霞彰。鬱蒸作。而大風霧翳。埃勝折損。迺作。久而不降也。伏之化鬱。天埃黃



氣地布濕蒸民病四肢不舉昏眩肢節痛腹滿  
填臆○是故辰戌之歲少陽降地主空地玄勝  
之不入又或遇水運太過先天而至也水運承  
之降而不下即彤雲纒見黑氣反生暗暖欲生  
冷氣卒至甚即冰雹也久而不降伏之化鬱冷  
氣復熱赤風化疫民病面赤心煩頭痛目眩也  
赤氣彰而熱病欲作也○是故巳亥之歲陽明  
降地主空地形勝而不入又或遇太陽未退位

即陽明未得降或火運以至火運承之不下即  
天清而肅赤氣迺彰暄熱反作民皆昏倦夜臥  
不安咽乾引飲懊熱內煩大清朝暮暄還復作  
久而不降伏之化鬱天清薄寒遠生白氣民病  
掉眩手足直而不仁兩脇作痛滿目忙忙○是  
故子午之年太陽降地主空地阜勝之降而不  
入又或遇土運太過先天而至土運承之降而  
不入即天彰黑氣暝暗悽慘纒施黃埃而布濕



寒化令氣蒸濕復令久而不降伏之化鬱民病  
大厥四肢重怠陰痿少力天布沉陰蒸濕間作  
帝曰升降不前晰知其宗願聞遷正可得明乎  
岐伯曰正司中位是謂遷正位司天不得其遷  
正者即前司天以過交司之日即遇司天太過  
有餘日也即仍舊治天數新司天未得遷正也  
○厥陰不遷正即風暄不時花卉萎瘁民病淋  
洩目系轉轉筋喜怒小便赤風欲令而寒由不

去溫暄不正春正失時○少陰不遷正即冷氣  
不退春冷後寒暄暖不時民病寒熱四肢煩痛  
腰脊強直木氣雖有餘位不過於君火也○太  
陰不遷正即雲雨失令萬物枯焦當生不發民  
病手足肢節腫滿大腹水腫填臆不食飧泄脇  
滿四肢不舉雨化欲令熱猶治之溫煦於氣亢  
而不澤○少陽不遷正則炎灼弗令苗莠不榮  
酷暑於秋肅殺晚至霜露不時民病瘡癰骨熱



心悸驚駭甚時血溢○陽明不遷正則暑化於前肅殺於後草木反榮民病寒熱鼽嚏皮毛折爪甲枯焦甚則喘嗽息高悲傷不樂熱化乃布燥化未令即清勁未行肺金復病○太陽不遷正則冬清反寒易令於春殺霜在前寒冰於後陽光復治凜冽不作雰雲待時民病溫癘至喉閉嗑乾煩燥而渴喘息而有音也寒化待燥猶治天氣過失序與民作災○帝曰遷正蚤晚以

命其肯願聞退位可得明哉岐伯曰所謂不退者即天數未終即天數有餘名曰復布政故名曰再治天也即天令如故而不退位也○厥陰不退位即大風蚤舉時雨不降濕令不化民病溫疫疵廢風生民病皆肢節痛頭目痛伏熱內煩咽喉乾引飲○少陰不退位即溫生春冬蟄蟲蚤至草木發生民病膈熱咽乾血溢驚駭小便赤澀丹瘤癰瘡湯留毒○太陰不退位而取



寒暑不時埃昏布作濕令不去民病四肢少力  
食飲不下泄注淋滿足脛寒陰痿閉塞失溺小便  
便數○少陽不退位即熱生於春暑過後化冬  
溫不凍流水不冰蟄蟲出見民病少氣寒熱更  
作便血上熱小腹堅滿小便赤沃甚則血溢○  
陽明不退位即春生清冷草木晚榮寒熱間作  
民病嘔吐暴注食飲不下大便乾燥四肢不舉  
日暝掉眩帝曰天歲蚤晚余以知之願聞地數

運氣  
四十二

可得聞乎岐伯曰地下遷正升天退位不前之  
法即地土產化萬物失時之化也

帝曰余聞天地一甲子十干十一支上下經緯  
天地數有迭移失守其位可得昭乎岐伯曰失  
之迭位者謂雖得歲正未得正位之司即四時  
不節即生大疫注玄珠密語云陽年三十年除  
六年天刑計有太過二十四年除此六年皆作  
太過之用令不然之旨今言迭支迭位皆可作



其不及也。○假令甲子陽年土運大空如癸亥  
 天數有餘者年雖交得甲子厥陰猶尚治天地  
 已遷正陽明在泉去歲少陽以作右間即厥陰  
 之地陽明故不相和奉者也癸巳相會土運太  
 過虛反受木勝故非太過也何以言土運太過  
 况黃鍾不應太室木既勝而金還復金既復而  
 少陰如至即木勝如火而金復微如此則甲巳  
 失守後二年化成土疫晚至丁卯早至丙寅土

疫至也。大小善惡推其天地詳乎太乙又只如  
 甲子年如甲至子而合應交司而治天即下巳  
 卯未遷正而戊寅少陽未退位者亦甲巳下有  
 合也即土運非太過而木乃乘虛而勝土也金  
 次又行復勝之即反邪化也陰陽天地殊異爾  
 故其大小善惡一如天地之法旨也。○假令丙  
 寅陽年太過如乙丑天數有餘者雖交得丙寅  
 太陰尚治天也地巳遷正厥陰司地去歲太陽



以作右間即天太陰而地厥陰故地不奉天化也。乙辛相會水運太虛反受土勝故非太過即太簇之管太羽不應土勝而用化木復即風此者丙辛失守其會後三年化成水疫晚至己巳蚤至戊辰甚即速微即徐水疫至也大小善惡推其天地數乃太乙遊宮又只如丙寅年丙至寅且合應交司而治天即辛巳未得遷正而庚辰太陽未退位者亦丙辛不合德也即水運亦

小虛而小勝或有復後三年化癘名曰水癘其狀如水疫治法如前。○假令庚辰陽年太過如巳卯天數有餘者雖交得庚辰年也陽明猶尚治天地已遷正太陰司地去歲少陰以作右間即天陽明而地太陰也故地不奉天也乙巳相會金運太虛反受火勝故非太過也即姑洗之管太商不應火勝熱化水復寒刑此乙庚失守其後二年化成金疫也速至壬午徐至癸未金



疫至也。大小善惡推本年天數。及太乙也。又只如庚辰。如庚至辰。且應交司而治天。即下乙未。未得遷正者。即地中。牛少陰未退位者。且乙庚不合德也。即下乙未。于失剛。亦金運小虛也。有小勝。或無復。後二年化癘。名曰金癘。其狀如金疫也。治法如前。○假令壬午陽年太過。如辛巳天數有餘者。雖交後壬午年也。厥陰猶尚治天。地已遷正。陽明在泉。去歲丙申少陽。以作右間。

素問卷九

十一

即天厥陰而地陽明。故地不奉天者也。辛相合會。木運太虛。及受金勝。故非太過也。即癸寅之管。太角不應。金行燥勝。火化熱復甚。即速微。即徐疫至。大小善惡推疫至之年天數。及太乙。又只如壬至午。且應交司而治之。即下丁酉。未得遷正者。即地下。丙申少陽未得退位者。見丁壬不合德也。即丁柔于失剛。亦木運小虛也。有小勝。小復。後三年化癘。名曰木癘。其狀如風疫。

素問卷九

十一



治法如前。○假令戊申陽年太過。如丁未天數太過者。雖交得戊申年也。太陰猶尚治。天地已遷正。厥陰在泉。去歲壬戌太陽已退位。作右間。即天丁未地癸亥。故地不奉天化也。丁癸相會。火運太虛。反受水勝。故非太過也。即夷則之管。上太徵不應。此戊癸失守其會。後三年化疫也。速至庚戌。大小善惡推疫至之年。天數及太乙。又只如戊申。如戊至申。且應交司而治天。即下

癸亥未得遷正者。即地下壬戌太陽未退位者。見戊癸未合德也。即下癸柔干失剛。見火運小虛也。有小勝或無復也。後三年化癘。名曰火癘也。治法如前。治之法可寒之泄之。

黃帝曰。人氣不足。天氣如虛。人神失守。神光不聚。邪鬼干人。致有天亡。可得聞乎。岐伯曰。人之五藏一藏不足。又會天虛。感邪之至也。○人憂愁思慮。即傷心。又或遇少陰司天。天數不及。太

運氣  
四十四



陰作接間至。即謂天虛也。此即人氣天氣同虛也。又遇驚而奪精汗出於心。因而三虛神明失守。心為君主之官。神明出焉。神失守位。即神遊上丹田。在帝太乙帝君泥丸君下。神既失守。神光不聚。却遇火不及之歲。有黑尸鬼見之。令人暴亡。○人飲食勞倦。即傷脾。又或遇太陰司天。天數不及。即少陽作接間至。即謂之虛也。此即人氣虛而天氣虛也。又遇飲食飽甚。汗出於胃。

醉飽行房。汗出於脾。因而三虛脾神失守。脾為諫議之官。智周出焉。神既失守。神光失位。而不聚也。却遇土不及之年。或巳年。或甲年。失守。或太陰天虛。青尸鬼見之。令人卒亡。○人久坐濕地。強力入水。即傷腎。腎為作強之官。伎巧出焉。因而三虛腎神失守。神志失位。神光不聚。却遇水不及之年。或辛年。或丙年。失守。或太陽司天。虛有黃尸鬼至。見之。令人暴亡。○人或志



怒氣逆上而不下，即傷肝也。又遇厥陰司天，天數不及，即少陰作接間，至是謂天虛也。此謂天虛，人虛也。又遇疾走恐懼，汗出於肝，肝為將軍之官，謀慮出焉。神位失守，神光不聚。又遇木不及年，或丁年不符，或壬年失守，或厥陰司天，虛也。有白尸鬼見之，令人暴亡也。已上五失守者，天虛而人虛也。神遊失守，其位即有五尸鬼干入，令人暴亡也。謂之曰尸厥。人犯五神易位，即

神光不圓也。非但尸鬼，即一切邪犯者，皆是神失守位故也。此謂得守者生，失守者死。得神者昌，失神者亡。

至真要論篇第七十四

運氣  
二十四

黃帝問曰：五氣交合，盈虛更作，余知之矣。六氣分治司天地者，其至何如？岐伯再拜對曰：明乎哉！問也。天地之太紀，人神之通應也。帝曰：願聞上合昭昭，下合冥冥，奈何？岐伯曰：此道之所生。



工之所疑也。帝曰：願聞其道也。岐伯曰：厥陰司天，其化以風；少陰司天，其化以熱；太陰司天，其化以濕；少陽司天，其化以火；陽明司天，其化以燥；太陽司天，其化以寒。以所臨藏位，命其病者也。帝曰：地化奈何？岐伯曰：司天同候，間氣皆然。帝曰：間氣何謂？岐伯曰：司左右者是謂間氣也。帝曰：何以異之？岐伯曰：主歲者紀歲，間氣者紀步也。○帝曰：善。歲主奈何？岐伯曰：厥陰司天爲

風化。在泉爲酸化。司氣爲蒼化。間氣爲動化。少陰司天爲熱化。在泉爲苦化。不司氣化。居氣爲灼化。太陰司天爲濕化。在泉爲甘化。司氣爲鬱化。間氣爲柔化。少陽司天爲火化。在泉爲苦化。司氣爲丹化。間氣爲明化。陽明司天爲燥化。在泉爲辛化。司氣爲素化。間氣爲清化。太陽司天爲寒化。在泉爲鹹化。司氣爲玄化。間氣爲藏化。故治病者必明六化分治，五味五色所生五藏



所宜迺可以言盈虛病生之緒也。○帝曰。厥陰  
在泉而酸化。先余知之矣。風化之行也。何如。岐  
伯曰。風行於地。所謂本也。餘氣同法。本乎天者。  
天之氣也。本乎地者。地之氣也。天地合氣。六節  
分而萬物化生矣。故曰。謹候氣。宜無失病機。此  
之謂也。○帝曰。其主病何如。岐伯曰。司歲備物。  
則無遺主矣。帝曰。先歲物何也。岐伯曰。天地之  
專精也。帝曰。司氣者何如。岐伯曰。司氣者主歲。

同然有餘不足也。帝曰。非司歲物何謂也。岐伯  
曰。散也。故質同而異等也。氣味有薄厚。性用有  
躁靜。治保有多少。力化有淺深。此之謂也。○帝  
曰。歲主藏害何謂。岐伯曰。以所不勝命之。則其  
要也。帝曰。治之奈何。岐伯曰。上淫於下。所勝平  
之外淫於內。所勝治之。帝曰。善。平氣何如。岐伯  
曰。謹察陰陽所在而調之。以平為期。正者正治。  
反者反治。

右問左問

左問右問

平氣



此処人迎寸下有命  
ナレ反テ命  
有故後人エ又  
テ可見之

運氣類五

帝曰天子言察陰陽所在而調之論言人迎與寸口相應若引繩小大齊等命曰平陰之所在寸口何如岐伯曰視歲南北可知之矣帝曰願卒聞之岐伯曰北政之歲少陰在泉則寸口不應厥陰在泉則右不應太陰在泉則左不應南政之歲少陰司天則寸口不應厥陰司天則右不應太陰司天則左不應諸不應者反其診則見矣帝曰尺候何如岐伯曰北政之歲三陰在

運氣類二十五

下則寸不應三陰在上則尺不應南政之歲三陰在天則寸不應三陰在泉則尺不應左右同故曰知其要者一言而終不知其要流散無窮此之謂也

帝曰天地之氣內淫而病何如岐伯曰歲厥陰在泉風淫所勝則地氣不明平野昧草廼蚤秀民病洒洒振寒善呻數欠心痛支滿兩脇裏急飲食不下高咽不通食則嘔腹脹善噫得後與



氣則快然如衰。身體皆重。○歲少陰在泉。熱淫所勝。則焰浮川澤。陰處反明。民病腹中常鳴。氣上衝胃。喘不能久立。寒熱皮膚痛。目瞑齒痛。頰腫惡寒發熱如瘧。少腹中痛。腹大蟄蟲不藏。○歲太陰在泉。草乃蚤榮。濕淫所勝。則埃昏巖谷。黃反見黑。至陰之交。民病飲積心痛。耳聾渾渾。焯焯嗑腫。喉痺。陰病血見。少腹痛腫。不得小便。病衝頭痛。目似脫。項似拔。腰似折。髀不可以曲。

素問卷九 六十一 六十二

脹如結。肺如別。○歲少陽在泉。火淫所勝。則焰明郊野。寒熱更至。民病注泄赤白。少腹痛溺赤。甚則血便。少陰同候。○歲陽明在泉。燥淫所勝。則霧霧清。瞑民病喜嘔。嘔有苦。善太息。心脅痛。不能反側。甚則嗑乾。面塵身無膏澤。足外反熱。○歲太陽在泉。寒淫所勝。則凝肅慘慄。民病少腹控辜。引腰脊。上衝心痛。血見。嗑痛。頰腫。○帝曰。善治之奈何。岐伯曰。諸氣在泉。風淫於內。治以辛。

君臣佐使出入所

素問卷九 六十一 六十二



涼佐以苦甘以甘緩之以辛散之熱淫於內治  
 以鹹寒佐以甘苦以酸收之以苦發之濕淫於  
 內治以苦熱佐以酸淡以苦燥之以淡泄之火  
 淫於內治以鹹冷佐以苦辛以酸收之以苦發  
 之燥淫於內治以苦溫佐以甘辛以苦下之寒  
 淫於內治以甘熱佐以苦辛以鹹寫之以辛潤  
 之以苦堅之○帝曰善天氣之變何如岐伯曰  
 厥陰司夫風淫所勝則大虛埃昏雲物以擾寒

生春氣流水不冰民病胃脘當心而痛上支兩  
 脅肩咽不通飲食不下舌本強食則嘔冷泄腹  
 脹溏泄瘕水閉蟄蟲不出病本於脾衝陽絕死  
 不治○少陰司天熱淫所勝佛熱至火行其政  
 民病胃中煩熱嗑乾右胠滿皮膚痛寒熱欬喘  
 大雨且至唾血血泄衄衄嚏嘔溺色變甚則瘡  
 瘍附腫肩背骨痛及缺盆中痛心痛肺臌腹大  
 滿膨膨而喘欬病本於肺天澤絕死不治○太



陰司天濕淫所勝則沈陰且布雨變枯槁附腫  
骨痛陰痺陰痺者按之不得腰脊頭項痛時眩  
大便難陰氣不用饑不欲食欬唾則有血心如  
懸病本於腎大谿絕死不治○少陽司天火淫  
所勝則溫氣流行金政不平民病頭痛發熱惡  
寒而瘧熱上皮膚痛色變黃赤傳而為水身面  
附腫腹滿仰息泄注赤白瘡瘍欬唾血煩心胃  
中熱甚則欬衄病本於肺天府絕死不治○陽

素問卷九

三十一

明司天燥淫所勝則木迺晚榮草迺晚生筋骨  
內變民病左脇脅痛寒清於中感而瘧大涼革  
候欬腹中鳴注泄鷺瀉名木斂生苑於下草焦  
上首心脇暴痛不可反側嗑乾面塵腰痛丈夫  
癩疝婦人少腹痛目昧皆瘍瘡淫癰螫蟲來見  
病本於肝太衝絕死不治○太陽司天寒淫所  
勝則寒氣反至水且冰血變於中發為癰瘍民  
病厥心痛嘔血血泄欬衄善悲時眩仆運火炎

素問卷九

三十一

水炎

心管



烈雨暴迺霍胃腹滿手熱肘寧掖腫心澹澹大  
動胃脇胃皖不安面赤目黃善噫噎乾甚則色  
焔渴而欲飲病本於心神門絕死不治所謂動  
氣知其藏也○帝曰善治之奈何岐伯曰司夫  
之氣風淫所勝平以辛涼佐以甘苦以甘緩之  
以酸寫之熱淫所勝平以鹹寒佐以苦甘以酸  
收之濕淫所勝平以苦熱佐以酸辛以苦燥之  
以淡泄之濕上甚而熱治以苦溫佐以甘辛以

一本苦溫佐以

考定本止云

汗為故而止火淫所勝平以鹹冷佐以甘苦以  
酸收之以苦發之以酸復之熱淫同燥淫所勝  
平以苦溫佐以酸辛以苦下之寒淫所勝平以  
辛熱佐以苦甘以鹹寫之

運氣  
二十六

帝曰邪氣反勝治之奈何岐伯曰風司於地清  
反勝之治以酸溫佐以苦甘以辛平之熱司於  
地寒反勝之治以甘熱佐以苦辛以鹹平之濕  
司於地熱反勝之治以苦冷佐以鹹甘以苦平

素問卷九

二十二



之火司於地。寒反勝之。治以甘熱。佐以苦辛。以鹹平之。燥司於地。熱反勝之。治以平寒。佐以苦甘。以酸平之。以和爲利。寒司於地。熱反勝之。治以鹹冷。佐以甘辛。以苦平之。○帝曰。其司夫邪。勝何如。岐伯曰。風化於天。清反勝之。治以酸溫。佐以甘苦。熱化於天。寒反勝之。治以甘溫。佐以苦酸。辛濕化於天。熱反勝之。治以苦寒。佐以苦酸。火化於天。寒反勝之。治以甘熱。佐以苦辛。燥

運氣  
二十七

化於天。熱反勝之。治以辛寒。佐以苦甘。寒化於天。熱反勝之。治以鹹冷。佐以苦辛。帝曰。六氣相勝。奈何。岐伯曰。厥陰之勝。耳鳴頭眩。憤憤欲吐。胃昂如寒。大風數舉。俛蟲不滋。肝脇氣并化。而爲熱。小便黃赤。胃脘當心而痛。上支兩脇。腸鳴飧泄。少腹痛。注下赤白。甚則嘔吐。高咽不通。少陰之勝。心下熱。善饑。齊下反痛。氣遊三焦。谷者至。木迺津。草迺萎。嘔逆躁煩。腹滿



痛澹泄傳爲赤沃太陰之勝火氣內鬱瘡瘍於  
中流散於外病在肢脇甚則心痛熱格頭痛喉  
痺項強獨勝則濕氣內鬱寒迫下焦痛留頂互  
引眉間胃滿雨數至燥化廼見少腹滿腰膝重  
強內不便善注泄足下溫頭重足脛附腫飲發  
於中附腫於上少陽之勝熱客於胃煩心心痛  
目赤欲嘔嘔酸善饑耳痛溺赤善驚譫妄暴熱  
消燥草萎水涸介蟲廼屈少腹痛下沃赤白陽

明之勝清發於中左肢脇痛澹泄內爲噎塞外  
發癩疔大涼肅殺華英改容毛蟲廼殃胃中不  
便噎塞而欬大陽之勝凝慄且至非時水冰羽  
廼後化痔瘡發寒厥入胃則內生心痛陰中廼  
瘍隱曲不利互引陰股筋肉拘苛血脉凝泣絡  
滿色變或爲血泄皮膚否腫腹滿食減熱反上  
行頭項凶頂腦戶中痛目如脫寒入下焦傳爲  
濡瀉帝曰治之奈何岐伯曰厥陰之勝治以甘



運氣  
二十八

清佐以苦辛。以酸寫之。少陰之勝治以辛寒。佐以苦鹹。以甘寫之。太陰之勝治以鹹熱。佐以辛甘。以苦寫之。少陽之勝治以辛寒。佐以甘鹹。以甘寫之。陽明之勝治以酸溫。佐以辛甘。以苦泄之。太陽之勝治以甘熱。佐以辛酸。以鹹寫之。

帝曰。六氣之復何如。岐伯曰。悉乎哉。問也。厥陰之復。少腹堅滿。裏急暴痛。偃木飛沙。俛蟲不榮。厥心痛。汗發嘔吐。飲食不入。入而復出。筋骨掉

眩清厥甚。則入脾。食痺而吐。衝陽絕。死不治。少陰之復。煩燥熱內作。煩躁。鼽嚏。少腹絞痛。火見燔炳。監燥。汾注時止。氣動於左。上行於右。欬皮膚痛。暴痞。心痛。鬱冒。不知人。迺洒淅惡寒。振慄。譫妄。寒已而熱。渴而欲飲。少氣。骨萎。隔腸不便。外為浮腫。噦噫。赤氣。後化流水。不冰。熱氣大行。介蟲不福。病痲。疥。癩。癰。疽。痊。痔。甚則入肺。欬而鼻淵。天府絕。死不治。太陰之復。濕變。迺舉。體重。



中滿。食飲不化。陰氣上厥。胃中不便。飲發於中。  
欬喘有聲。大雨時行。鱗見於陸。頭頂痛重。而掉  
瘳尤甚。嘔而密默。唾吐清液。甚則入腎。竅寫無  
度。大谿絕。死不治。少陽之復。大熱將至。枯燥燔  
熱。介蟲迺。耗驚。瘳欬。心熱煩躁。便數。憎風。厥  
氣上行。面如浮埃。目乃瞶。瘳火氣內發。上爲口  
糜。嘔逆。血溢。血泄。發而爲瘡。惡寒鼓慄。寒極反  
熱。盜絡。焦槁。渴引水漿。色變黃赤。少氣。脉萎化。

而爲水。傳爲肘腫。甚則入肺。欬而血泄。尺澤絕  
死不治。陽明之復。清氣大舉。森林蒼乾。毛蟲迺  
厲。病生。肤脇氣歸於左。善太息。甚則心痛。舌滿  
腹脹。而泄。嘔吐。欬噦。煩心。病在胃中。頭痛甚。則  
入肝。驚。欬。筋。癢。太衝絕。死不治。太陽之復。厥氣  
上行。水凝。雨冰。羽蟲迺死。心胃生寒。胃中不利。  
心痛。舌滿。頭痛。善悲。時眩。什食。戕腰。腫反痛。屈  
伸不便。地裂。冰堅。陽光不治。少腹控。暈引腰脊。



上衝心。唾出清水。及爲噦噫。甚則入心。善忘善悲。神門絕。死不治。帝曰善。治之奈何。岐伯曰。厥陰之復。治以酸寒。佐以甘辛。以酸寫之。以甘緩之。少陰之復。治以鹹寒。佐以苦辛。以甘寫之。以酸收之。以苦發之。以鹹熨之。太陰之復。治以苦熱。佐以酸辛。以苦寫之。燥之泄之。少陽之復。治以鹹冷。佐以苦辛。以鹹熨之。以酸收之。辛苦發之。發不遠熱。無犯溫涼。少陰同法。陽明之復。治

以辛溫。佐以苦甘。以苦泄之。以苦下之。以酸補之。太陽之復。治以鹹熱。佐以甘辛。以苦堅之。治之。勝復。寒者熱之。熱者寒之。溫者清之。清者溫之。散者收之。抑者散之。燥者潤之。急者緩之。堅者溷之。脆者堅之。衰者補之。強者寫之。各安其氣。必清必靜。則病氣衰去。歸其所宗。此治之太體也。帝曰善。

運氣  
二十九

帝曰。氣之上下。何謂也。岐伯曰。身半以上。其氣



三矣。天之分也。天氣主之。身半以下。其氣三矣。地之分也。地氣主之。以各命氣。以氣命處。而言其病。半所謂天樞也。故上勝而下俱病者。以地名之下勝而上俱病者。以天名之。所謂勝至報氣。屈伏而未發也。復至則不以天地異名。皆如復氣爲法也。帝曰。勝復之動。時有常乎。氣有必乎。岐伯曰。時有常位。而氣無必也。帝曰。願聞其道也。岐伯曰。初氣終三氣。天氣主之。勝之常也。

四氣盡。終氣地氣主之。復之常也。有勝則復。無勝則否。帝曰。善。復已而勝。何如。岐伯曰。勝至則復。無常數也。衰迺止耳。復已而勝。不復則害。此傷生也。帝曰。復而反病。何也。岐伯曰。居非其位。不相得也。大復其勝。則主勝之。故反病也。所謂火燥熱也。帝曰。治之奈何。岐伯曰。夫氣之勝也。微者隨之。甚者制之。氣之復也。和者平之。暴者奪之。皆隨勝氣。安其屈伏。無問其數。以平爲期。



此其道也。帝曰善。

帝曰客主之勝復奈何。岐伯曰客主之氣勝而無復也。帝曰其逆從何如。岐伯曰主勝逆客勝從。天之道也。○帝曰其生病何如。岐伯曰厥陰司天客勝則耳鳴掉眩甚則欬。主勝則胃脇痛舌難以言。少陰司天客勝則軌噎頸項強肩背脊熱頭痛少氣發熱耳聾目瞑甚則肘腫血溢。蒼蕩欬喘。主勝則心熱煩躁甚則脇痛支滿。太

陰司天客勝則首向肘腫呼吸氣喘。主勝則胃腹滿食已而脅。少陽司天客勝則丹胗外發及為丹燥瘡瘍嘔逆喉痺頭痛溢腫耳聾血溢內為瘰癧。主勝則胃滿欬仰息甚而有血手熱陽明司天清復內餘則欬衄嗌塞心高中熱欬不止而白血出者死。太陽司天客勝則胃中不利出清涕感寒則欬。主勝則喉嗌中鳴。○厥陰在泉客勝則大關節不利內為痙強拘瘳外為不



便主勝則筋骨絲併腰腹時痛。少陰在泉客勝則腰痛尻股膝髀膕胫足病者熱以酸胗腫不能久立。溲便變主勝則厥氣上行心痛發熱。高者衆痺皆作發於肢脇魄汗不藏四逆而起。太陰在泉客勝則足痿下重便溲不時濕客下焦發而濡瀉及爲腫隱曲之疾。主勝則寒氣逆滿。飲食不下甚則爲疝。少陽在泉客勝則腰腹痛而反惡寒甚則下白溺白。主勝則熱反上行而

客於心心痛發熱格中而嘔。少陰同候陽明在泉客勝則清氣動下。少腹堅滿而數便瀉。主勝則腰重腹痛少腹生寒下爲鶩溇則寒厥於腸上衝胃中甚則喘不能久立。太陽在泉寒復內餘則腰尻痛屈伸不利股脛足膝中痛。帝曰善治之奈何。岐伯曰高者抑之下者舉之有餘者折之不足者補之佐以所利和以所宜必安其主客適其寒溫同者逆之異者從之。帝曰治寒



肝有于...  
五知出知

以熱治熱以寒氣相得者逆之不相得者從之  
余已知之矣其於五味何如岐伯曰木位之主  
其寫以酸其補以辛火位之主其寫以甘其補  
以鹹土位之主其寫以苦其補以甘金位之主  
其寫以辛其補以酸水位之主其寫以鹹其補  
以苦厥陰之客以辛補之以酸寫之以甘緩之  
少陰之客以鹹補之以甘寫之以酸收之太陰  
之客以甘補之以苦寫之以甘緩之少陽之客

酸

運氣  
三十三

論治  
類三

以鹹補之以甘寫之以鹹與之陽明之客以酸  
補之以辛寫之以苦泄之太陽之客以苦補之  
以鹹寫之以苦堅之以辛潤之開竅腠理致津  
液通氣也帝曰善  
帝曰願聞陰陽之三也何謂岐伯曰氣有多少  
異用也帝曰陽明何謂也岐伯曰兩陽合明也  
帝曰厥陰何也岐伯曰兩陰交盡也  
帝曰氣有多少病有盛衰治有緩急方有大小

酸

五生木

大明

如

素問卷九

三十一



奇、陽、陰、之、類、

願聞其約奈何。岐伯曰：氣有高下，病有遠近，證有中外，治有輕重，適其至所，為故也。大要曰：君一臣一，奇之制也；君二臣四，偶之制也；君三臣六，偶之制也。故曰：近者奇之，遠者偶之。汗者不以偶，下者不以奇。補上治上，制以緩，補下治下，制以急。急則氣味厚，緩則氣味薄。適其至所，此之謂也。病所遠而中道氣味之者，食而過之，無越其制度也。是故平氣之

反佐、ハ、佐、藥、ヲ、取、リ、用、フ、

標本類三

運氣三十一

道近而奇，偶制小其服也。遠而奇，偶制大其服也。大則數少，小則數多。多則九之，少則三之。奇之不去，則偶之；是謂重方。偶之不去，則反佐以取之。所謂寒熱溫涼，反從其病也。帝曰：病生於本，余知之矣。生於標者，治之奈何？岐伯曰：病反其本，得標之病，治反其本，得標之方。帝曰：六氣之勝，何以候之？岐伯曰：乘其至也。清氣大來，燥之勝也；風木受邪，肝病生焉。熱氣大

素問卷九

三十一



來火之勝也。金燥受邪，肺病生焉。寒氣大來，水之勝也。火熱受邪，心病生焉。濕氣大來，土之勝也。寒水受邪，腎病生焉。風氣大來，木之勝也。土濕受邪，脾病生焉。所謂感邪而生病也。乘年之虛則邪甚也。失時之和亦邪甚也。遇月之空亦邪甚也。重感於邪則病危矣。有勝之氣其必來復也。帝曰：其脉至何如？岐伯曰：厥陰之至其脉弦，少陰之至其脉鈞，太陰之至其脉沈，少陽之

標本類一

至大而浮，陽明之至短而濇，太陽之至大而長，至而和則平，至而甚則病，至而反者病，至而不至者病，未至而至者病，陰陽易者危。帝曰：六氣標本所從不同，奈何？岐伯曰：氣有從本者，有從標本者，有不從標本者也。帝曰：願卒聞之。岐伯曰：少陽太陰從本，少陰太陽從本，從標，陽明厥陰不從標本，從乎中也。故從本者化生於本，從標本者有標本之化，從中者以中氣



爲化也。帝曰。脉從而病反者。其診何如。岐伯曰。脉至而從。按之不鼓。諸陽皆然。帝曰。諸陰之反。其脉何如。岐伯曰。脉至而從。按之鼓。甚而盛也。是故百病之起。有生於本者。有生於標者。有生於中氣者。有取本而得者。有取標而得者。有取中氣而得者。有取標本而得者。有逆取而得者。有從取而得者。逆正順也。若順逆也。故曰。知標與本。用之。不始。明知逆順。正行無問。此之謂也。

不知是者。不足以言診。足以亂經。故大要曰。麤工嗜嗜。以爲可知。言熱未已。寒病復始。同氣異形。迷診亂經。此之謂也。夫標本之道。要而博。小而大。可以言一而知百病之害。言標與本。易而勿損。察本與標。氣可令調。明知勝復。爲萬民式。天之道畢矣。

帝曰。勝復之變。蚤晏何如。岐伯曰。夫所勝者勝。至已。病病已。溫溫而復已。萌也。夫所復者。勝盡

素問卷九 三十二

素問卷九 三十二



而起得位而甚勝有微甚復有少多勝和而和  
 勝虛而虛天之常也帝曰勝復之作動不當位  
 或後時而至其故何也岐伯曰夫氣之生與其  
 化衰盛異也寒暑溫涼盛衰之用其在四維故  
 陽之動始於溫盛於暑陰之動始於清盛於寒  
 春夏秋冬各差其分故大要曰彼春之煖為夏  
 之暑彼秋之忿為冬之怒謹按四維斥候皆歸  
 其終可見其始可知此之謂也帝曰差有數乎

岐伯曰又凡三十度也帝曰其脉應皆何如岐  
 伯曰差同正法待時而去也脉要曰春不沉夏  
 不弦秋不數冬不瀼是謂四塞沉甚曰病弦甚  
 曰病數甚曰病瀼甚曰病參見曰病復見曰病  
 未去而去曰病去而不去曰病反者外故曰氣  
 之相守司也如權衡之不得相失也夫陰陽之  
 氣清靜則生化治動則苛疾起此之謂也  
 帝曰幽明何如岐伯曰兩陰交盡故曰幽兩陽



運氣  
三十四

合明故曰明。幽明之配，寒暑之異也。帝曰：分至春分秋分何如？岐伯曰：氣至之謂至，氣分之謂分。至則氣冬至夏至同，分則氣異。所謂天地之正紀也。

帝曰：夫子言春秋氣始於前，冬夏氣始於後，余已知之矣。然六氣往復，主歲不常也。其補寫奈何？岐伯曰：上下所主，隨其攸利，正其味，則其要也。左右同法。大要曰：少陽之主，先其後，鹹陽明之主，先其後，酸太陽之主，先其後，苦厥陰之主，先其後，辛少陰之主，先其後，甘太陰之主，先其後，苦。

疾病  
類一

雪ハ沃ハ

先酸後辛，少陰之主，先其後，甘太陰之主，先其後，苦厥陰之主，先其後，辛少陰之主，先其後，甘太陰之主，先其後，苦。帝曰：夫百病之生也，皆生於風寒暑濕燥火，以之化之變也。經言盛者寫之，虛者補之。余錫以方士而方士用之，尚未能十全。余欲令要道必行，桴鼓相應，由授刺，雪汗，工巧神聖，可得聞乎？岐伯曰：審察病機，無失氣宜，此之謂也。帝曰：願聞病機，何如？岐伯曰：諸風掉眩，皆屬於肝；諸寒

素問卷九

三十三



收引皆屬於腎。諸氣臍鬱皆屬於肺。諸濕腫滿皆屬於脾。諸執瘁皆屬於火。諸痛痒瘡皆屬於心。諸厥固泄皆屬於下。諸痿喘嘔皆屬於上。諸禁鼓慄如喪神守皆屬於火。諸痙項強皆屬於濕。諸逆衝上皆屬於火。諸脹腹大皆屬於熱。諸躁狂越皆屬於火。諸暴強直皆屬於風。諸病有聲鼓之如鼓皆屬於熱。諸病附腫疼酸驚駭皆屬於火。諸轉反戾水液渾濁皆屬於熱。諸病

アハノタ、又ハ、ロウカキヤシノ小便ハ、アハノタ、又ハ、

泄ハ、二列カ

救

論治類四

水液澄澈清冷皆屬於寒。諸嘔吐酸暴注下迫皆屬於熱。故大要曰：謹守病機，各司其屬。有者求之，無者救之。盛者責之，虛者責之。必先五勝，疎其血氣，令其調達，而致和平。此之謂也。

帝曰：五味陰陽之用何如？岐伯曰：辛甘發散為陽，酸苦涌泄為陰。鹹味涌泄為陰，淡味滲泄為陽。六者或收或散，或緩或急，或燥或潤，或奠或堅，以所利而行之，調其氣使其平也。帝曰：非調



氣而得者治之奈何有毒無毒何先何後願聞  
其道岐伯曰有毒無毒所治為主適大小為制  
也帝曰請言其制岐伯曰君上臣下制之小也  
君一臣二佐五制之中也君上臣二佐九制之  
大也寒者熱之熱者寒之微者逆之甚者從之  
堅者削之客者除之勞者溫之結者散之留者  
攻之燥者濡之急者緩之散者收之損者益之  
逸者行之驚者平之上之下之摩之浴之薄之

論治類六

劫之開之發之適事為故帝曰何謂逆從岐伯  
曰逆者正治從者反治從少從多觀其事也帝  
曰反治何謂岐伯曰熱因寒用寒因熱用寒因  
寒用通因通用必伏其所主而先其所因其始則  
同其終則異可使破積可使潰堅可使氣和可  
使必已帝曰善氣調而得者何如岐伯曰逆之  
從之逆而從之從而逆之踈氣令調則其道也  
帝曰病之中外何如岐伯曰從內之外者調其



五十一

內從外之內者治其外從內之外而盛於外者  
先調其內而後治其外從外之內而盛於內者  
先治其外而後調其內中外不相及則治主病  
帝曰火熱復惡寒發熱如有瘧狀或一日發或  
間數日發其故何也岐伯曰勝復之氣會遇之  
時有多少也陰氣多而陽氣少則其發日遠陽  
氣多而陰氣少則其發日近此勝復相薄盛衰  
之節瘧亦同法

論治  
類七

帝曰論言治寒以熱治熱以寒而方士不能廢  
繩墨而更其道也有病熱者寒之而熱有病寒  
者熱之而寒二者皆在新病復起奈何治岐伯  
曰諸寒之而熱者取之陰熱之而寒者取之陽  
所謂求其屬也帝曰善服寒而反熱服熱而反  
寒其故何也岐伯曰治其王氣是以反也帝曰  
不治王而然者何也岐伯曰悉乎哉問也不治  
五味屬也夫五味入胃各歸所喜攻酸先入肝

素問卷九

三十一

素問卷九

三十一



論治類五

苦先入心。甘先入脾。辛先入肺。鹹先入腎。久而增氣。物化之常也。氣增而久。夫之由也。

帝曰。方制君臣。何謂也。岐伯曰。主病之謂君。佐君之謂臣。使臣之謂使。非上下三品之謂也。帝曰。二品何謂。岐伯曰。所以明善惡之殊貴也。

帝曰。善病之中外。何如。岐伯曰。調氣之方。必別陰陽。定其中外。各守其鄉。內者內治。外者外治。微者調之。其次平之。盛者奪之。汗之下之。寒熱

論治類六

疾病類八

明堂トハ日本ニ云  
 葉衣履履ノトク  
 君僚トハ諸士ヲ指テ云

溫涼。衰之以屬。隨其攸利。謹道如法。萬舉萬全。氣血正平。長有天命。帝曰善。

著至教論篇第七十五

是ヨリ昔ニ帝ト雷公トノ問答ニ

黃帝坐明堂。召雷公而問之曰。子知醫之道乎。雷公對曰。誦而頗能解。解而未能別。別而未能明。明而未能彰。足以治羣僚。不足至侯王。願得受禱天之度。四時陰陽合之別。星辰與日月光。以彰經術。後世益明。上通神農。著至教。擬於

書物

素問卷九

四十一



皇帝曰善無失之此皆陰陽表裏上下雌雄相  
輸應也而道上知天文下知地理中知人事可  
以長久以教衆庶亦不疑殆醫道論篇可傳後  
世可以爲寶雷公曰請受道諷誦用解帝曰子  
不聞陰陽傳乎曰不知曰夫三陽天爲業上下  
無常合而病至偏害陰陽雷公曰三陽莫當請  
聞其解帝曰三陽獨至者是三陽并至并至如  
風雨上爲巔疾下爲漏病外無期內無止不中

經紀診無上下以書別雷公曰臣治踈愈說意  
而已帝曰三陽者至陽也積并則爲驚病起疾  
風至如礪礪九竅皆塞陽氣滂溢乾嗑喉塞并  
於陰則上下無常薄爲腸澼此謂三陽直心坐  
不得起臥者便身全三陽之病且以知天下何  
以別陰陽應四時合之五行雷公曰陽言不別  
陰言不理請起受解以爲至道帝曰子若受傳  
不知合至道以惑師教語十至道之要病傷五



古書物之類

疾病類九

藏筋骨以消子言不明不別是世主學盡矣賢  
且絕恍惚日暮從容不出人事不殷

示從容論篇第七十六從容論篇第七十六

黃帝ユルカニシル姓燕坐召雷公而問之曰汝受術誦書者若能覽觀雜學及於比類通合道理為余言子所長五藏六府膽胃大小腸脾胞膀胱腦髓漆唾哭泣悲哀水所從行此皆人之所生治之過失子務明之可以十全即不能知為世所怨雷公

右脈經合元スリ

曰臣請誦脈經上下篇甚衆多矣別異比類猶未能以十全又安足以明之帝曰子別試通五藏之過六府之所不和鍼石之敗毒藥所宜湯液滋味具言其狀悉言以對請問不知雷公曰肝虛腎虛脾虛皆令人體重煩冤當投毒藥刺灸砭石湯液或已或不已願聞其解帝曰公何年之長而問之少余真問以自謬也吾問子窈冥子言上下篇以對何也夫脾虛浮似肺腎小

素問卷九

四十二

素問卷九

四十二



浮似脾肝急沉散似腎此皆工之所時亂也然  
從容得之若夫三藏土木水參居此童子之所  
知問之何也○雷公曰於此有人頭痛筋攣骨  
重怯然少氣噦噫腹滿時驚不嗜臥此何藏之  
發也脈浮而弦切之石堅不知其解復問所以  
三藏者以知其比類也帝曰夫從容之謂也夫  
年長則求之於府年少則求之於經年壯則求  
之於藏今子所言皆失八風苑熱五藏消燦傳

邪相受夫浮而弦者是腎不足也沉而石者是  
腎氣內著也怯然少氣者是水道不行形氣消  
索也欬嗽煩寃者是腎氣之逆也一人之氣病  
在二藏也若言三藏俱行不在法也○雷公曰  
於此有人四支解墮喘欬血泄而愚診之以爲  
傷肺切脈浮大而緊愚不敢治麤工下砭石病  
愈多出血血止身輕此何物也帝曰子所能治  
知亦衆多與此病失矣譬以鴻飛亦冲於天夫



聖人之治病循法守度援物比類化之冥冥循  
上及下何必守經今夫脉浮大虛者是脾氣之  
外絕去胃外歸陽明也夫一火不勝二水是以  
脉亂而無常也四支解墮此脾精之不行也喘  
欬者是水氣并陽明也血泄者脉急血無所行  
也若夫以為傷肺者由失以狂也不引比類是  
知不明也夫傷肺者脾氣不守胃氣不清經氣  
不為使真藏壞決經脉傍絕五藏漏泄不血則

嘔此二者不相類也譬如天之無形地之無理白  
與黑相去遠矣是失吾過矣以子知之故不告  
子明引比類從容是以名曰診經是謂至道也

疏王過論篇第七十七

黃帝曰嗚呼遠哉閔閔乎若視深淵若迎浮雲  
視深淵尚可測迎浮雲莫知其際聖人之術為  
萬民式論裁志意必有法則循經守數按循醫  
事為萬民副故事有五過四德汝知之乎雷公

論治  
十八



避席再拜曰臣年幼小蒙愚以惑不聞五過與  
 四德此類形名虛引其經心無所對帝曰凡未  
 診病者必問嘗貴後賤雖不中邪病從內生名  
 曰脫營嘗富後貧名曰失精五氣留連病有所  
 拜醫工診之不在藏府不變軀形診之而疑不  
 知病名身體日減氣虛無精病深無氣洒洒然  
 時驚病深者以其外耗於衛內奪於榮良工所  
 失不知病情此亦治之一過也○凡欲診病者

必問飲食居處暴樂暴苦始樂後苦皆傷精氣  
 精氣竭絕形體毀沮暴怒傷陰暴喜傷陽厥氣  
 上行滿脉去形愚醫治之不知補寫不知病情  
 精華日脫邪氣迺并此治之二過也○善為脉  
 者必以比類奇恒從容知之為工而不知道此  
 診之不足貴此治之三過也○診有三常必問  
 貴賤封君敗傷及欲侯主故貴脫勢雖不中邪  
 精神內傷身必敗亡始富後貧雖不傷邪皮焦



筋屈痿痺爲癱。醫不能嚴不能動神外爲柔弱。亂至失常病不能移則醫事不行。此治之四過也。○凡診者必知終始。有知餘緒切脉問名當合男女離絕苑結。憂恐喜怒五藏空虛血氣離守工不能知何術之語。嘗富大傷斬筋絕脉身體復行今澤不息。故傷敗結留薄歸陽膿積寒。是癰工治之。亟刺陰陽身體解散四支轉筋死。日有期醫不能明不問所發唯言死日亦爲癰。

工此治之五過也。凡此五者皆受術不通人事不明也。○故曰聖人之治病也必知天地陰陽四時經紀五藏六府雌雄表裏刺灸砭石毒藥所主從容人事以明經道貴賤貧富各異品理問年少長勇怯之理審於部分知病本始。八正九候診必副矣。治病之道氣內爲寶循求其理求之不得過在表裏守數據治無失俞理能行此術終身不殆不知俞理五藏苑執癰發六府。



診病不審是謂失常謹守此治與經相明經  
下經揆度陰陽奇恒五中矣以明堂審於終始  
可以橫行

徵四失論篇第七十八

黃帝在明堂雷公侍坐黃帝曰夫子所通書受  
事衆多矣試言得失之意所以得之所以失之  
雷公對曰循經受業皆言十全其時有過失者  
願聞其事解也帝曰子年少智未及邪將言以

論治  
十九

雜合邪夫經脈十二絡脈三百六十五此皆人  
之所明知工之所循用也所以不十全者精神  
不專志意不理外內相失故時疑殆診不知陰  
陽逆從之理此治之失也受師不卒妄作離  
術謬言爲道更名自功妄用砭石後遺身咎此  
治之二失也不適貧富貴賤之居坐之薄厚形  
之寒溫不適飲食之宜不別人之勇怯不知比  
類足以自亂不足以自明此治之三失也診病



不問其始憂患飲食之失節起居之過度或傷於毒不先言此卒持寸口何病能中妄言作名爲麤所窮此治之四失也是以世人之語者馳千里之外不明尺寸之論診無人事治數之道從容之葆坐持寸口診不中五脉百病所起始以自怨遺師其咎是故治不能循理棄術於市妄治時愈愚心自得嗚呼窈窈冥冥孰知其道道之大者擬於天地配於四海汝不知道之論

論

受以明爲晦

陰陽類論篇第七十九

疾病類七

孟春始至黃帝燕坐臨觀八極正八風之氣而問雷公曰陰陽之類經脉之道五中所主何藏最貴雷公對曰春甲乙青中主肝治七十二日是脉之主時臣以其藏最貴帝曰却念上下經陰陽從容子所言貴最其下也雷公致齋七日且復侍坐帝曰三陽爲經一陽爲維一陽爲游



部此知五藏終始。二陽為表。二陰為裏。一陰至  
絕作朔晦却具合以正其理。雷公曰。受業未能  
明。○帝曰。所謂三陽者。太陽為經。二陽脉至手  
太陰而弦浮而不沉。決以度察以心。合之陰陽  
之論。所謂二陽者。陽明也。至手太陰弦而沉。急  
不鼓。炆至以病皆死。一陽者。少陽也。至手太陰  
上連人迎。弦急懸不絕。此少陽之病也。專陰則  
死。三陰者。六經之所主也。交於太陰。伏鼓不浮。

上空志心。二陰至肺。其氣歸膀胱。外連脾胃。一  
陰獨至。經絕氣浮。不鼓鉤而滑。此六脉者。乍陰  
乍陽。交屬相并。繆通五藏。合於陰陽。先至為主。  
後至為客。雷公曰。臣悉盡意。受傳經脉。頌得從  
容之道。以合從容。不知陰陽。不知雌雄。○帝曰。  
三陽為父。一陽為衛。一陽為紀。三陰為母。二陰  
為雌。一陰為獨使。○二陽一陰。陽明主病。不勝  
一陰脉。奕而動。九竅皆沉。三陽一陰。太陽脉勝。

氣



一陰不能止內亂五藏外為驚駭一陰二陽病  
在肺少陰脉沉勝肺傷脾外傷四支一陰二陽  
皆交至病在腎罵詈妄行顛疾為狂一陰一陽  
病出於腎陰氣客遊於心腕下空竅堤閉塞不  
通四支別離一陰一陽代絕此陰氣至心上下  
無常出入不知喉咽乾燥病在土脾二陽三陰  
至陰皆在陰不過陽陽氣不能止陰陰陽並絕  
浮為血瘕沉為膿附陰陽皆壯下至陰陽上合

疾  
病  
九十六

昭昭下合冥冥診決死生之期遂至歲首雷公曰  
請問短期黃帝不應雷公復問黃帝曰在經論中  
雷公曰請問短期黃帝曰冬三月之病病合於陽  
者至春正月脉有死徵皆歸出春冬三月之病在  
理已盡草與柳葉皆殺春陰陽皆絕期在孟春春  
三月之病日陽殺陰陽皆絕期在草乾夏三月之  
病至陰不過十日陰陽交期在濂水秋三月之病  
三陽俱起不治自巳陰陽交合者立不能坐坐不



石水、水ノミル  
成水、太陽ノ水

疾病  
八十四

能起。三陽獨至期在石水。一陰獨至期在盛水。

左盛衰論篇第八十

雷公請問氣之多少。何者為逆。何者為從。黃帝  
答曰。陽從左。陰從右。老從上。少從下。是以春夏  
歸陽為生。歸秋冬為死。反之則歸秋冬為生。是  
以氣多少。逆皆為厥。問曰。有餘者厥耶。答曰。一  
上不下。寒厥到膝。少者秋冬死。老者秋冬生氣  
上不下。頭痛巔疾。求陽不得。求陰不審。五部隔

陽有餘陰不足ノ出也  
カクナヒニアリ

無徵。若居曠野。若伏空室。脈絲乎屬。不滿日。是  
以少陰之厥。令人妄夢。其極至迷。三陽絕。三陰  
微。是為少氣。是以肺氣虛則使人夢見白物。見  
人斬血籍籍。得其時則夢見兵戰。腎氣虛則使  
人夢見舟船溺人。得其時則夢伏水中。若有畏  
恐。肝氣虛則夢見菌香生草。得其時則夢伏樹  
下。不敢起。心氣虛則夢救火。陽物得其時則夢  
燔灼。脾氣虛則夢飲食不足。得其時則夢築垣



脈色  
類七

蓋屋此皆五藏氣虛陽氣有餘陰氣不足合之  
五診調之陰陽以在經脈  
診有十度度人脈度藏度肉度筋度俞度陰陽  
氣盡人病自具脈動無常散陰頗陽脈脫不具  
診無常行診必止亦度民君卿受師不幸使術  
不明不察逆從是為妄行持雌失雄棄陰附陽  
不知并合診故不明傳之後世及論自章至陰  
虛天氣絕至陽盛地氣不足陰陽並交至人之

上則火獨光也陰并於下則足寒足寒則脹也  
夫一水不勝五火故目皆盲是以氣衝風泣下  
而不止夫風之中目也陽氣內守於精是火氣  
燔目故見風則泣下也有以比之夫火疾風生  
乃能雨此之類也



黃帝內經素問卷之九終

慶應

素問卷九

五十五



